

Przemowa Mariana Makuli

Przezocni ziomkowie miłujoncy naszo ślonsko nacyjo i łojcow naszych godka

Poprosyli mie kamraty z Mysłowicki Ferajny kero srychtowała dzisiejszy tref
to naszkryflanie poru słow to naszy ślonski godce.

A dyć jo myśla że zowdy sie naszo godka lepi suchało niz szkryflało bo łona jest
bardzi rado uchu niżli filokowi.

Eli jednak tego naszego skarbu niy zapiszemy we ślabikorzu i inszych cheftach
może sie tak stać że nasze dziecka przepomnom sporo z tego naszego
piyknego godanio kere płynie prosto łod serca i jest szczyre, prawdziwe i
łotwarte jak bazie na wiekanoc, jak dźwiyrze pomieszkanio do cudzych kerzy tu
przywandrowali za robotom.

Ślonsko godka przetrwała stulecia mimo roztomajtych chacharow i rojbrow
co to przyjechali we piynciu na jednym kole a potym starali sie jom wybić nom
z gowy. I idzie pedzieć że była jest i bydzie . bo slonsko godka jest maszketno i
słodko jak dziubek gryfny frelki na piyrwszych zolytach, jest rychliwo i rześko
jak zimne piwo pite z kufła po znojny szychcie, jest blisko, przyjazno i
rajcowno jak cycusie naszych mamulek z kerych tutali my mlyko po
urodzyniu.

Nasza godka niy zno przekłyństw, przekryntow i aluzji , a choć powściongliwo
i przaśno to wyrażo szacunek do łojcow, starzykow, i wyrszych rangom. Jest
czytelno i przejrzysto jak wypucowany na świynta szafynster komzomu. A
choć nieco razowo i chropowato jak ciynki szmyrgel do bruszynio to jest
melodyjno, melodyjno jak świergot skowronka to poranku i granie cyji lebo
mandołli na ławce pod familokym.

Bez cołke lata skuli bezrozumnego plewiynio i pranio przez cudzych nom
kulturowo jantychrystow lingwinistów godka nom zubożała ale jest jeszcze na
tyła komunikatywno że byłaby juz pora aby wrocic naszy godce rola na jako
zasłużyła.

Bez toż roztomili bydom tacy dobrzy i z cołki swoji mocy poczyniom starania o
przywrocenie tyj godce należny ji rangi.